



## Universitätsbibliothek Paderborn

**Elogia Societatis Iesv Sive Propvgnacvlvm: Pontificum,  
Conciliorum, Cardinalium, Antistitum, nec non  
Imperatorum, Regum, Principum & aliorum Virtute,  
Religione, omniq[ue] Literatura illustrium (etiam ...**

**Gomez, Cristobal**

**Antverpiæ, 1681**

Dominicus Bollanus Ep. Brixiensis. n. 27

**urn:nbn:de:hbz:466:1-38486**

pascens: Sacram illam coronam, quasi filios, quasique nouellas olearum in circuitu mense sue contemplans, breui fructiferas in Domo Domini futuras oliuas.

27. A DOMINICO BOLLANO Episcopo Brixienſi, Duce, Marchione, & Comite, litteris de Collegij Brixienſis innocentia, vniuersis & singulis eas inspecturis. Cum autem (inquit) aliquor annos nonnulli probatae vitæ, & doctrinæ Sacerdotes, propria pietate & Christianæ religionis zelo commoti, in hac Vrbe conuenissent, & quoddam Clericorum veluti Seminarium & Collegium nostra primùm auctoritate, nec non Sedis Apostolicæ postmodum approbatione accedente, in Ecclesia D. Antonij, à Gubernatoribus maioris Hospitalis huius Vrbis illis concessa, instituissent, magna cum piorum hominum ædificatione simul viuentes, & sua in commune conferentes, ac bonorum morum, & doctrinæ informationi in ciuitate, & dicecesi nostra, cum multorum fructu incumbentes, diuinaque fideliter administrantes: nec non prædicto Hospitali bene, & diligenter in spiritualibus inseruientes, vt à pluribus eiusdem Hospitalis Gubernatoribus certa relatione percepimus. Ij omnes partim Sacerdotes, partim inferiorum Ordinum Ministri, superioribus diebus cupientes in Domino certiorem bene viuendi regulam, & perfectiorem religionis statum nancisci: magno ipsorum omnium consensu, & nostro cum gaudio, piæ IESV SOCIETATI, ac Religioni se iunxerunt, atque in eius Generalis Præpositi obedientiam, Dominino, vt credimus, inspirante, se dederunt. Quo tempore antiquus humanæ salutis hostis fortassè prospiciens ex huiusmodi suscepto instituto vberiorem animarum fructum in hac Vrbe prouenturum, maiores & ipse insidias præparauit: ac, vt est ab initio calumniator, incertas quasdam in nonnullos ex prædictis Sacerdotibus voces excitauit, quæ multorum animos commouentes, nobiles aliquot huius Vrbis viros præfati hospitalis Gubernatores induxerunt, ad se diligentius de illorum vita informandum. Quæ res non tam aduersus duos,

aut

Litteræ  
Bollani E-  
pisc. de  
Brixienſis  
Collegij  
innocentia.

vt fructum  
ex Societa-  
te sequen-  
tium impe-  
diat, mai-  
ores insidias  
præparat  
Damon.

aut tres (tot quippe erant ad quos res tota spectabat) quam aduersus præfatum Collegium, materiam multis præbuit obloquendi. Quod quidem Collegium cum paucis ante diebus Societati IESV vnitum esset, ut dictum est, inde arri-puit diabolus occasionem huius tam sanctæ Religionis no-men in multis Christiani orbis partibus, prout multorum literis didicimus, inuadendi, falsisque criminibus non sine scandalo, & animarum iactura impetendi. Quod nos summo cum cordis dolore cernentes, ut huiusmodi Satanae insidias detegeremus, prædictas informationes, prout apud ipsos dicti Hospitalis Gubernatores, velut pro negotio suo priuatim inquirentes, absque ullo prædictorum sacerdotum interuentu scriptæ fuerant, nobis tradi fecimus, easque legimus quanta potuimus diligentia perquirentes, si quid esset tandem quod saltem ad legitime aduersus aliquem de prædictis sacerdoti-bus procedendum iure mouere nos posset. Quale nihil cum inuenissemus, ne falsis rumoribus seruorum Dei fama perit- clitetur, neve pusilli scandalum patiantur de prædictis om-nibus, & dictorum fratrum nostrorum, & Consacerdotum innocentia, & immaculata vita, totiusque prædicti Collegij, nunc primum Societati IESV vni integritate, quam nos iam diu nouimus, fidem facere decreuimus, facimusque præ-sentibus literis subscriptione, sigilloque nostro communis. Sic illos Deus in suo sancto seruitio confirmet, & roboret: præsertim vero ipsam IESV Societatem, toto corde, & totis charitatis visceribus amplexamur, non minimum huic gregi nostro commodum, quorumdam eius sacerdotum opera accessisse videntes: qua & nos, maiorem ex ea in dies fructum sperantes in lectionibus, & prædicationibus, quibus no-ster hic populus frequens interest, libentissime utimur. Datum Brixiae in nostro Episcopali Palatio die 21. Iunij. anno 1568. Ita in eadem Par. 3. Histor. Societ. lib. 5. num. 76.